

MANAKALA JAGUH MOTOGP BERKERAS TIDAK MAHU KE JEPUN

Sementara itu Kejohanan Grand Prix Motorsikal Jepun akan berlangsung seperti yang dirancang iaitu pada 2 Oktober selepas ia disahkan oleh Persekutuan Motorsikal Antarabangsa (FIM).

Keputusan itu dibuat selepas mengetepikan dakwaan perlumbaan di Litar Motegi Twin Ring itu mendatangkan risiko daripada pencemaran radiasi janakuasa Fukushima akibat bencana Tsunami dan gempa bumi yang melanda Jepun Mac lalu. FIM dalam laporan rasminya mengakui pencemaran radiasi telah memasuki kawasan trek Twin Ring Motegi, namun pihaknya berkata tahap radiasi masih dianggap normal.

Pendahulu kedudukan pelumba, Casey Stoner sebelum ini berkata dia tidak akan menyertai perlumbaan tersebut kerana khuatir dengan risiko pencemaran radiasi.

"Saya tidak akan pergi. Itu adalah keputusan saya," katanya ketika perlumbaan





GRAND PRIX FORMULA 1 JEPUN SELAMAT

Grand Prix Jepun yang dijadualkan pada 9 Oktober di Suzuka tidak terancam tatkala krisis nuklear Fukushima, Masaru Unno, jurucakap penganjur Jepun menegaskan bahawa perlumbaan itu pasti akan berlangsung walaupun Grand Prix motosikal negara yang dijadual pada 2 Oktober di Motegi diboikot oleh beberapa penunggang terkemuka.

"Jarak dari pusat Fukushima ke Motegi ialah 120km, sementara Suzuka sekitar 500km jauhnya. Sememangnya tidak ada masalah dengan radiasi. Suzuka benar-benar selamat," kata Unno, di luar Grand Prix Jerman hari ini.

"Kami telah mengukur radiasi di Nagoya, Osaka dan Yokkaichi dan tidak ada apa-apa di sana," kata Unno memetik beberapa kajian. Pemandu Formula Satu Jepun, Kamui Kobayashi berkata beliau tidak mempunyai sebarang kebimbangan mengenai perlumbaan itu. "Saya ke sana dan saya baik-baik sahaja," kata pemandu Sauber itu.

"Tiada siapa yang bimbang di Jepun. Pergi ke Suzuka akan menunjukkan sokongan kepada rakyat. Saya harapkan ramai orang dari mana-mana sahaja supaya ke Suzuka." Supremo Formula Satu, Bernie Ecclestone juga yakin perlumbaan itu akan diteruskan. "Kami akan berada di sana. Perlumbaan itu akan berlangsung," kata Ecclestone,



GRAND PRIX JERMAN DI LITAR SACHSENRING

"Keputusan saya tidak terpengaruh oleh Jorge, dan saya memutuskan untuk tidak akan pergi ke sana, saya yakin pelumba yang lain pun punya keputusan yang sama. Terserah pada pihak penyelenggara untuk mencari tahu apa yang akan terjadi nanti", begitu kata Stoner.

"Jika hal serupa seperti Fukushima terjadi di dekat rumah saya di Australia, saya juga tidak akan kembali ke sana. Situasinya sama," begitu alasan Stoner.

Juara bertahan Jorge Lorenzo turut mengambil langkah yang sama, namun ia bergantung kepada laporan FIM.

Lorenzo berkata, "sudah lama saya mengambil keputusan untuk tidak pergi ke Jepun. Jadi saya tidak akan bicara lagi soal ini kerana saya sudah membuat keputusan."

